

Zenica, 09.03.2016. godine
Broj: 247/16

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14) i preporuke Komisije za nabavku radova na "Ugradnji lifta i WC-a za osobe sa invaliditetom u dijelu JU BNP Zenica" iz Zapisnika broj: 239/16 od 07.03.2016. godine, ugovorni organ donosi sljedeću

ODLUKU

o izboru najpovoljnijeg ponuđača

1. Prihvata se preporuka Komisije za nabavku radova na "Ugradnji lifta i WC-a za osobe sa invaliditetom u dijelu JU BNP Zenica" iz Zapisnika broj: 239/16 od 07.03. 2016. godine i Ugovor za ugradnju lifta i WC-a za osobe sa invaliditetom u dijelu JU BNP Zenica, dodjeljuje se ponuđaču: "ITC" d.o.o. Zenica, ul. Zmaja od Bosne bb., Zenica, ponuda broj: 1 od 02.03.2016. godine, za ponuđenu cijenu od 56.623,67 KM bez PDV-a, kao najbolje ocijenjenom ponuđaču.

2. Obavezuje se ponuđač "ITC" d.o.o. Zenica da u roku od tri (3) dana od dana prijema ove Odluke dostavi na adresu ugovornog organa dokaze o kvalificiranosti, u pogledu lične sposobnosti, te tehničke i profesionalne sposobnosti koji su traženi tački 2.1. i 2.2. tenderske dokumentacije u postupku javne nabavke radova na "Ugradnji lifta i WC-a za osobe sa invaliditetom u dijelu JU BNP Zenica".

Dostavljeni dokazi u originalu ili ovjerenim kopijama, moraju biti čvrsto uvezani na način definisan u tački 4.2. tenderske dokumentacije.

3. Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu nabavku shodno uslovima ugovornog organa navedenim u tenderskoj dokumentaciji.

4. Ova odluka objavit će se na internetskoj strani ugovornog organa i dostaviti svim ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke radova na "Ugradnji lifta i WC-a za osobe sa invaliditetom u dijelu JU BNP Zenica", pokrenut je donošenjem Odluke broj: 25/16 od 11.01.2016. godine.

Javna nabavka je provedena putem konkurentskog zahtjeva za javne nabavke.

Obavijest o javnoj nabavci radova poslata je dana 02.02.2016. godine, a ista je objavljena na portalu Agencije za javne nabavke dana 02.02.2016. godine, pod brojem: 7990-7-3-1-3/16.

Ponudu su dostavili ponuđači:

- "ITC" d.o.o. Zenica sa ponuđenom cijenom od 56.623,67 KM bez PDV-a.
- „Almy gradnja“ d.o.o. Zenica sa ponuđenom cijenom od 63.425,03 KM bez PDV-a.

Nakon provedenog postupka provjere kvalifikacije ponuđača, a prema uslovima navedenim u tenderskoj dokumentaciji, utvrđeno je da su ponuđači "ITC" d.o.o. Zenica i „Almy gradnja“ d.o.o. Zenica ispunili minimum zahtijevanih kvalifikacionih uslova u pogledu lične sposobnosti, sposobnosti za obavljanja profesionalne djelatnosti, te tehničke i profesionalne sposobnosti koji su traženi tački 2.1. i 2.2. tenderske dokumentacije u postupku javne nabavke radova na "Ugradnji lifta i WC-a za osobe sa invaliditetom u dijelu JU BNP Zenica".

Poređenjem ponuda, a primjenom kriterija »najniže cijene«, Komisija je izvršila rangiranje ponuda, i to:

1. „ITC“ d.o.o. Zenica sa ponuđenom cijenom od 56.623,67 KM bez PDV-a.
2. „Almy gradnja“ d.o.o. Zenica sa ponuđenom cijenom od 63.425,03 KM bez PDV-a.

Na osnovu tabele konačnog rangiranja i detaljnog uvida u predočenu ponudu ponuđača „ITC“ d.o.o. Zenica, te posebno nakon izvršenog poređenja visine predmetne ponude od 56.623,67 KM sa planiranim sredstvima za realizaciju predmetne nabavke u iznosu od 61.580,96 KM, kao i detaljne analize predmetnog postupka javne nabavke, Komisija je konstatovala da je u predmetnom postupku javne nabavke osigurana stvarna konkurencija ponuđača i da je ponuda ponuđača „ITC“ d.o.o. Zenica prihvatljiva u pravnom, ekonomskom i tehničkom smislu za ugovorni organ, te daje preporuku za donošenje odluke o izboru ponuđača „ITC“ d.o.o. Zenica kao najpovoljnijeg ponuđača u postupku javne nabavke radova na „Ugradnji lifta i WC-a za osobe sa invaliditetom u dijelu JU BNP Zenica“.

U postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, te je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba u roku od pet (5) dana od dana prijema ove odluke.

Žalba se izjavljuje Uredu za razmatranje žalbi, putem ugovornog organa.